



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1738. usque ad annum 1740

**Fleury, Claude**

**Augustæ Vindelicorum, 1786**

**VD18 90119355**

§. 4. Monialium Congregationis de Calvaria fata.

---

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

## §. IV.

Sæc. XVIII.  
A. C. 1739.*Monialium Congregationis de Cal-  
varia fata.*

Hoc quidem Regis edicto graviter ir-  
ritabatur Parisiense Parlamentum,  
paulopost tamen inexpectatus eventus  
longe intimius unguem in ulcus immi-  
sit. Res ita se habuit: Franciæ Præsu-  
lum nonnulli, cum suam jurisdictionem  
contra Parlamenti ausus potenter sæ-  
piusque a Rege, ejusque secretiori Se-  
nato vindicatam cernerent, ægris ocu-  
lis jam dudum aspiciebant, Regulares  
utriusque sexus ferme potissimos im-  
mediate summi Pontificis jurisdictioni  
esse subjectos, atque ab Episcoporum  
potestate Ecclesiastica etiam post Tri-  
dentini Concilii decreta in pluribus om-  
nino exemptos: Inde autem non modo  
Episcopali fux auctoritati grave vulnus  
infigi querebantur, sed insuper, quot-  
quot per aliquot sæcula in Regularibus  
subinde exorta scandala, morum cor-  
ruptelas, & Regularis disciplinæ rela-  
xationes studiose in unum censum con-  
trahere poterant, ea omnia ex horum  
exemptione tanquam infecta radice  
pullulare dictitabant, totisque viribus  
machinabantur, ut sublata hac exem-  
ptione deinceps in Galliis saltem Mo-  
niales

Sæc. XVIII.

A. C. 1739.

niales immediate in omnibus Episcoporum jurisdictioni subjectæ essent. Horum petito suffragabatur aliquot annorum consuetudo, vi cuius nullæ omnino Sanctimoniales in Regnum recipiebantur, nisi sese Episcopali jurisdictioni penitus subjicerent. Ad exequendum tamen horum propositum omnino necessarium videbatur suffragium longè potentissimum Cardinalis Fleury, qui etiam re percepta eorum votis sat propensum sese exhibuit, totamque rei ferriem Ludovico XV. Regi proposuit. Hic vero hoc negotium summi Pontificis iudicio ac decisioni reliquit, exposuitque, sat conveniens esse, ut præmissis Benedictinæ Sanctimoniales Congregationis de Calvaria Parisiensis Archiepiscopi visitationi ac demum jurisdictioni subjicerentur: Annuit Pontifex Regis precibus, atque ad eundem Apostolicas transmisit literas, vi quarum hic idem Episcopus præfatæ Congregationis Visitator nominatus, & hæc Moniales ejus jurisdictioni subjectæ declarabantur: Hac novitate Moniales velut fulmine tactæ, quascunque possent, rationes opposuerunt, porrectæ etiam ad Regem & Fleuryum Cardinalem libello, & invocato Amicorum, & potentum patrocinio. Attamen incassum erant omnia; Cardinalis enim  
Fleu-

Sæc. XVIII.  
A. C. 1739.

Fleuryus cum Rohanio Cardinale, Senonensi Archiepiscopo, aliisque Præsulibus hac super re consultationem Versaliis habuit, ac tandem præfatæ Congregationis Monialibus ad earum preces, & opposita rationum momenta rescripsit. Regem hac in re sententiam suam minime mutaturum, nil ergo consultius fore, quam ut ejus voluntati plene prompteque sese subjicerent, ni Regiæ indignationis severitatem in caput suum accersere vellent: cum autem prima hujus Congregationis Præposita antiqui juris possessioni firmiter insisteret, atque Archiepiscopum Visitatorem agnoscere renueret, Regiis literis ad Gerseyensem Abbatiam prope Groobacum relegata est, ceteræ vero Superiores Majores ab officio suspensæ fuerunt. Ea res summopere displicuit Parlamento Parisiensi; tantum enim arrogatæ suæ auctoritati inde detractum existimabat, quantum Episcoporum jurisdictioni per novam hanc Regularium subjectionem adjectum fuisset: Eapropter Purellius Abbas primariis Centumviralis Senatus Patribus Pontificium Breve Archiepiscopo Parisiensi transmissum, necnon nuperum, Regis edictum, quo tam Parlamento, quam ceteris Curiis hujus causæ cognitio erat interdicta, discutiendum ac

Sæc. XVIII.  
A. C. 1739

desuper deliberandum proposuit, habitoque sermone admodum gravi demonstrandum suscepit, quod, cum Regi causas plurimas sibi soli, suæque cognitioni iterato reservaret, per ejusmodi evocationes tandem tota Parimenti auctoritas & jurisdictio evanesceret, nil ergo magis necessarium foret, quam ut universalis Curix Conventus haberetur, maloque remedium tempestive quæreretur: Id quod peti facile obtinuit Purellius, moxque habitis comitiis unanimi omnium suffragiis conclusum, Deputatos esse nominandos, qui Regi humillimas Parlamenti preces & postulata exponerent: Obtentâ igitur alloqui veniâ Deputati nomine Parlamenti quatuor hosce articulos Regi proponebant. I. Haud esse ultra tolerandum, ut Pontificis Brevia in Franciæ Regno executioni mandentur, nisi a Parlamento, cujus esset illa exequi, fuissent acceptata, in tabulas relata, & literis, ut vocantur *patentibus* munita. II. Nihil esse immutandum circa veterem consuetudinem, vi cujus Universitas Parisina immediate sit subiecta jurisdictioni Parlamenti. III. Quicquid in contrarium ageretur, recta Regni principiis ac legibus adversari. IV. Si introducetur simplex & pura Constitutionis *Unigenitur*

genitus acceptatio, eversum iri modifi- Sæc. XVIII.  
cationem a defuncto Rege provide ap- A. C. 1739.  
positam. Attamen Ludovicus XV. Rex  
Deputatis ad hæc respondit, se nulla-  
tenus indigere Parlamenti monitis hac  
super re, sed potius res in suo statu  
esse relinquendas, donec aliter de-  
cerneretur.

## §. V.

*Eadem Constitutio Pontificia Leodii  
solemniter recepta.*

Hoc item anno Clemens XII. Geor-  
gium Ludovicum Principem de  
Berghes Leodiensem Episcopum datis  
litteris impensius hortabatur, ut Con-  
stitutionem *Unigenitus* ab universo suo  
Clero & populo solemniter recipi cura-  
ret. Oblatam exerendi zeli sui Apo-  
stolici occasionem ambabus ulnis am-  
plectebatur Episcopus Princeps, mox-  
que die vigesima tertia Decembris ha-  
bito publico conventu & oratione tan-  
tum effecit, ut nullo tergiversante Ca-  
thedralis Ecclesiæ Canonici, omnes  
Regularium Conventus, & totius Diæ-  
cesis ac ditionis Parochi, necnon cuncti  
Episcopales Ministri ac famuli ad pu-  
ram & simplicem hujus Constitutionis  
acceptationem juramenti Religione sese  
obstringerent, & Jansenii doctrinam